

# ዲዩዌኤሌ ዓይያ ካር

ጾኑሲ ማሊያ ከኤዜ ዲዩዌኤሌ ዋማ ዋዶይዳ ናንጌቴያ፤ ሃሣ ዒዚ ናንጌ ጎይያ ከኤዛ ሃይሴ ሜርጌ ዔርታይ ባኣሴ፤ ያዲ ማዔቴያ ማፃኣፓ ፃኣፒንቲ ዓኣያ ማዒ ጴዳሣ ኪሪሰቶሴ ሾይንታዳሣኒ ቤርታ ዶንጋሳ ጻኤቶ ሌዎኮ ሃንጎ ያይዳሳ ጻኤቶ ሌዎኮ ጋራኣኬ ጌይንታኔ፤ ዬይ ዋዳ ፓሪሴ ካኣቲ ካኣታዲ ዋይሣ ዋዶናኬ። ዲዩዌኤሌ ዒሰራዔኤሌ ዓጮ ዓቢሣ ሙካንዳሣና ኪሊንኮ ሉማ ኬሰካንዳ ዋዶዋ ፔጋሲ ከኤዜኔ፤ ናንጊና ናንጋ ጎዳ ከላ ሙካኒ ዑኬያ ማዒያ ዬይ ባካ ዔርዛያታሣ ዒዚ ከኤዛኔ፤ ናንጊና ናንጋ ጎዳኮ ከላ ሙካኣና ዒዛኮ ዱማዴ ማሊያ ዒዲ ማካዘንሣዳ ቢያ ሜቶ ናንጊና ናንጋ ጎዳ ዓጋንዳሣ ቃሲ ዒ ከኤዛኔ። ጾኑሲ ማሊያ ከኤዛሣ ዳራ ፔኤኮ ጎሞ ቡኡፃንዳጉዲ ጾኑሲ ዔኤላያ ማዒያ ፔጋሲ ከኤዛ፤ ዳራ ጎሞ ፔኤኮ ቡኡፃቴ ዔያታ ዋንዳ ናንጋ ጎይያ ባንሣ ማሣ ዓንጀንዳሣ ዒዚ ዔያቶም ከኤዛኔ። ዒዚ ከኤዜ ጾኑሲ ማሊያይዳ ባሼ ዓኣፒ ማዒ ጴዳ፣ ሃጊ ማዒያ ዋዘ ቃኣላ፡- ጾኑሲ ዓቲንቆንታ ላኣሎንታ ዴጋሣንታ ጋርቾዋ ዓይሱዋ ዳር ቢያ ዑፃ ፔኤኮ ዓያኖ ከይሳንዳሣ ፔጋሲ ከኤዛሣኔ።

## ማፃኣፔላ ዱማ ዱማ ዓርቄ ባኮ

- ጎያ ባይዛኒ ሙኬ ዓቢያ (1:1—2:17)
- ናንጊና ናንጋ ጎዳ ከሎ (2:18-32)
- ናንጊና ናንጋ ጎዳ ሜሌ ዳርይዳ ሜቶ ዓጋንዳሣ (3:1-21)

- ዓቢያ ዒሰራዔኤሌ ዓጮ ሙይ ባይዜሣ
- 1 ባኣቲዔኤሌ ናኣዚ ዲዩዌኤሌም ናንጊና ናንጋ ጎዳፓ ዳኪንቴ ኪኣቶ ቃኣላ ያዲኬ፡-
- 2 ዒንሣ ጋርቾ ዓሳ ዋይዙዋቴ!  
ዪሁዳ ዓጮ ናንጋ ዓሳ ቢያ ዒናፓ ዋይዙዋቴ!
- ዒንሣ ናንጌ ዋዶይዳ ሃያ ጉዳ ባኣዚ፤  
ጊንሣ ሃሣ ዒንሣኒ ቤርታኣ ዓዶንሣ ዋዶናኣ ዓሲ ዛጊ ቤቂያ?
- 3 ዬያ ባኮ ዒንሣኒ ናኣቶም ከኤዙዋቴ፤  
ዒንሣኒ ናኣታ ጊንሣ ፔ ናኣቶም ከኤዙንጎ፤  
ዬያታኣ ዔያቶ ሄሊ ሙካ ሾይንቶም ከኤዙንጎ።
- 4 ሜልካሣዲፓ ዓቲ ሃኣኮ ባቃሎ

- ሻዳ ዓቢፃ ሙዔኔ፤  
 ዩካፓ ባቲሢ ሃሃ ዠኢፓ ዒርዠጉዲ ዲኢና  
 ዓቢፃ ሙይ ባይዜኔ፤  
 ባቲሢያኣ ማካሢ ሙዔኔ።
- 5 ሃይካፓ ሴካ ዒንሢ ሙርጎ ዎይኖ ዑዠ ዳንጋ ካንሢንዲዎአሢሮ  
 ዒንሢ ማሢንታ ዓሳ ጊንዓሰካፓ ጴጪ ዩኤኩዎቲ፤  
 ዒንሢ ቢያ ዎይ ዎይኖ ዑዠ ዑሸካ ዓሳ!  
 ዒናፓ ቃዩ ዩኤኩዎቲ።
- 6 ዎልቁና ዓኣ ዑሣ ዓኣጴ ዲቤ ማሌ ዴሬ  
 ታ ዓጮ ዖሊ ባይዛኒ ሙኩኔ፤  
 ዩያ ዖሎ ዓሶኮ ዓጫ ዘቢ ዓቺጉዲኬ፤  
 ባንጋላ ጊንሃ ሃሃ ዒንዴ ዘቢሮጉዲኬ።
- 7 ታኣኮ ቱኮና ዎይኖ ቢያ ሙይ ባይዜኔ፤  
 ቤሌሴ ሚዎዎ ቆፃ ሙዔኔ፤  
 ዩያ ሚዎኮ ዛንዘዎ ቦኦሪሽ  
 ቁኡሮ ቢያ ፒኢቲ ሙዔኔ።
- 8 ዒዞ ጎቺ ዴዓያታዎ ሃይቁ ዳጌሮ  
 ሲዩ ፓቲሌ ማይንቲ ዩኤካ  
 ዉዲሮ ናይጉዲ ዒንሢያ ዩኤኩዎቲ።
- 9 ናንጊና ናንጋ ጎዳ ማኣሮይዳ ዒንጎ ባኣዚ ማሃ ሸኢሸ  
 ሃኣኮንታ ዎይኖ ዑዠንታ ባይቁሢሮ  
 ናንጊና ናንጋ ጎዳም ማዳያ ማዔ ቁኤሳ ዩኤካኔ።
- 10 ጎዠ ጎሽኪንቲ ጎይሣ ጉሪ ዓቲኔ፤  
 ሃኣኮ ዒኢካ ባኣያ ማዔኔ፤  
 ቱኮና ዎይኖኣ ሃይቁኔ፤  
 ዛይታኣ ባይቁኔ፤  
 ዩያሮ ሳዓ ዩኤካኔ።
- 11 ዛርጋሢንታ ዔልዎንታ፤ ማሌ ካፃ ሃኣካኣ ቢያ ባይቁሢሮ  
 ዒንሢ ጎዠ ጎሽካ ዓሳ ዎዩዎቲ፤  
 ዒንሢ ዎይኖ ቱካ ዓሳኣ ዩኤኩዎቲ።
- 12 ቱኮና ዎይኖንታ ቤሌሶ ሚዎንታ ሹሌኔ፤  
 ሮኦማኣኔ፣ ቲሚሬ ጌይንታ ሚፃ፣ ሙቃሎንታ ማሌ ዓኣፖ ዓኣፓ  
 ሚፃ ቢያ ሚሌኔ፤  
 ዩያሮ ጎኔና ዓሲ ዎዛዳ ዎዛ ባይቁኔ።
- 13 ዒንሢ ፆኣዛሢም ዒንሢ ዒንጋ ሃኣኮንታ ዎይኖ ዑዠ ዒንጊዎንታ  
 ባኣሢሮ  
 ዒንሢ ታ ፆኣዛሢም ማዳ ቁኤሳ!

- ሃኒ ዩዲ፥ ሲዬ ፓቲሌ ማይንቲ ዋንቶ ጉቤ ዩኤኩዋቴ፤  
 ዲንሢ ዲንጎ ባኮ ዲንጎ ቤዘይዳ ማዳ ዓሳ ቃዪ ዩኤኩዋቴ።
- 14 ሙኡዚ ሃሾ ዲማ ኬሊ ማንሡዋቴ!  
 ጾኦሲም ዲማዴ ቡኪንቲ ዴሮ ቡኩሱዋቴ!  
 ጋርቾንታ ዓጮይዳ ናንጋ ዓሶዋ ቢያ  
 ናንጊና ናንጋ ጎዳ ማዔ ኑ ጾኦዛሢ ማኣሪ ቡኩሱዋቴ፤  
 ዲኢካ ጾኦሲ ዲንሢም ዋይዛንዳጉዲ ዩኤኩዋቴ።
- 15 ባዴዔ! ናንጊና ናንጋ ጎዳ ከላ ዑከኔ!  
 ቢያ ባኮ ዳንዳዓ ጎዳሢ ሳይሲንታ ዔኬ ሙካ ከላ ሄሌኔ።
- 16 ሃኣኮ ኑ ዓኣፓፓ  
 ዋዛና ዲላሽሢና ኑ ጾኦዛሢኮ ጌኤዦ ማኣራፓ  
 ጋፒ ባይቄኔ።
- 17 ዜርቁንቲ ዜርፃ ቢያ ሳይይዳ ሙርዒ ዓቴኔ፤  
 ሃኣካ ባይቄሢር ሃኣኮ ናቶ ቤዛ ቢያ ጉሪ ማዔኔ፤  
 ኮናኣ ደዔኔ።
- 18 ባኣታ ሄንቃንዳ ማኣቲ ባይቄሢር ጾኦላኔ፤  
 ማራታኣ ቢያ ናይዲንቲ ካራ ባይዚ ዓኣኔ።
- 19 ናንጊና ናንጋ ጎዳሢዮ! ቦኦሎይዳ ዓኣ ማኣቶ ቢያ ታሚ ሙዔሢር  
 ካዮ ሚጾዋ ታሚ ሚቹሢር  
 ታኣኒ ኔ ባንሢ ዲላታኔ።
- 20 ዋራ ሚጮሢር  
 ቦኦሎ ማኣታ ቢያ ሚሊ ባይቄሢር  
 ካዮ ቦዓታዎ ዓቱዋዎ ኔ ባንሢ ዲላታኔ።

## 2

- ናንጊና ናንጋ ጎዳ ከሎ ሙኮ ዓቢፃ ዔርዛያ ማዒፃ
- 1 ግዮኔይዳ ዛዬ ዋርቁዋቴ! ጾኦሲም ዲማዴ ዲኮይዳኣ  
 ከሰኪ ዲላቱዋቴ!  
 ናንጊና ናንጋ ጎዳ ከላ ሙካኒ ዑከሢር  
 ዓጮሎይዳ ናንጋ ዓሳ ቢያ ጎጋይቆንጎ።
- 2 ዬና ከላ ዲማያና ቃኣያዳ ከሊ፤  
 ቫኣራዲያና ቫኒ ዲማ ከሊከ፤  
 ዓባ ጾርቃኣና ፖዓ ዲኮ ዑይይዳ ጴዳሢጉዲ  
 ዲቢ፤ ሃሣ ዋልቃዳ ማሌ ዴሬ ቢያ ቤዛ ሙኪ ባይዛንዳኔ።  
 ዬያጉዴ ባኣዚ ሃያኮ ቤርታ ዛጊንቲ ቤቁባኣኔ፤

1:15 1:15 ዲሲ. 13:6።

ሃካፓ ሴካ ዓይዲያ ጴዳዓኬ።

- 3 ዔያቶኮ ቤርታ ጴዳ ዓኣዔ ባኮ ቢያ ታሚጉዲ ዔያታ ሙዓንዳኔ፤  
 ዔኤታ ታሚጉዲያኣ ሚቻንዳኔ።  
 ሃጊ ዔያታ ሄለባኣ፣ ቤርታ ዓኣ ሳዓ  
 ዔዴኔ ጌይንታ ቤዘጉዴያ ዓኣዔ ባኣዚ ዋርቂ ዓኣያኬ፤  
 ዔያታ ሙይ ጊዴና ዓኣዳ ሳዓ ጋዓንቲ  
 ጋፒ ባይቄያ ዓሲ ናንጉዋ ዳውሌ ማዓኔ፤  
 ዔያቶይዳፓ ቶሊ ዓታንዳ ዓይጎ ባኣዚያ ባኣሴ።
- 4 ዔያቶኮ ማላሢ ፓር ማላኔ፤  
 ዔያታ የሎ ፓራሢጉዲያኣ ሳጋራኔ።
- 5 ዓዳ ሳርጌሎ የይቶጉዴ ዑኡሲ ዋይዚሲ ዋይዚሲ  
 ዲኮ ቶኦኮይዳ ኮኦማኔ፤  
 ሃኣኮኮ ዲኢሪ ሙዓ ታሚጉዲ  
 ቢያ ባኮ ዔያታ ሙዓኔ፤  
 የልዚም ጊኢጊንቲ ዲቢ የልዚ ዓሲጉዲ ቤሲ ቤሲ ዓርቂ  
 ዴዔኔ።
- 6 ዔያቶ ዴንቃ ዴራ ካራ ባይዚ ጎጋይቃኔ፤  
 ዓሶኮ ቢያ ዓኣፖ ካራ ዒጊቹሞና ቦኦራኔ።
- 7 ዔያታ የልዚ ዓሲጉዲ ዔርቲባኣንቲ የልዚ ቡላኔ፤  
 የላ ዓሶጉዲያኣ ኬኤሎ ዲር ዑያ ጊዓንዳኔ፤  
 ቢያሢ ዔያታ ዓርቂ ጎይያ ዲቡዋየ  
 ዓኣዳ ካርማና ጎዓንዳኔ።
- 8 ፔቲይ ባጋሢና ዋሊ ሂዑዋሴ፤  
 ፔቲ ፔቲሢ ፔ ጎይያማ ዓኣዳኔ፤  
 ሞርኮኮ ዋርዲዮ ሻሂ ዓኣዳኔ፤  
 ዔያቶ ቃዛ ባኣዚ ባኣሴ።
- 9 ዔያታ ካታሞ ጌሊ ዓርቃኔ፤  
 ካታሞኮ ዙሎ ዲርቆና ኬኤሎ ዲያ ዑፃ ጳሽካኔ፤  
 ጴሊ ጴሊ ማኣር ዑያዋ ኬሰካኔ፤  
 ዓዳ ዉሲጉዲ ማኣርኮ ፑልቶ ካርና ጋር ጌላኔ።
- 10 ሳያ ዔያታ ጎቃይሳኔ፤  
 ጫሪንጮዋ ዔያታ ዓጊሣኔ፤  
 ዓባንታ ዓጊኖንታ ዲማኔ፤  
 ዠኦጋሢያ ፖዑዋያ ማዓኔ።

11 ናንጊና ናንጋ ጎዳ ጉጉንሢጉዳ ዑኡዞ ዬያ የሎ ዓሶ ዋይዚሳኔ፤  
 ዬይ የሎ ዓሳ ዋዚ ሚርጋይ!  
 ዓይሢያ ዓዛኮ ኩንሣ ዬይ የሎ ዓሳ ኮሺ ዲቢኬ፤  
 ዬይ ሚርጌ ዒጊቻያ ማዔሢሮ ዬያ ኬሎና የኦኒ ዳንዳዒ  
 ዔቃንዳይ?

**ጎሜ ቡኡያም ኬኤዚንቴ ኪኢታ**

12 ናንጊና ናንጋ ጎዳ ሃዚ ጋዓኔ፡-  
 «ሃሢ ሙኡዚ ሃሺሢና ዬኤፒና የዩሢና  
 ጉቤ ዒናፓ ታ ባንሢ ማዑዋቴ።»  
 13 ዒንሢ የያያ ማዒያ ዔርዛኒ ማኣዓሢ ዒንሢኮ ዳርዚፖቴ፤  
 ጋዓንቴ ዒኖ ዒንሢኮ ሺኢቹ፤ ጎሞ ቡኡጸዋቴ።»  
 ናንጊና ናንጋ ጎዳ ማዔ ዒንሢኮ የኦዛሢ ኮሺ፤ ማኣራያ፤  
 ሩኡሪና ዳጋዲዋያ  
 ናንጊና ናንጋ ናሹማ ዲቢ፤  
 ፑርታ ባኣዚ ዓጋኒ ሩኡሩዋያ ማዔሢሮ  
 ዒዛ ባንሢ ማዑዋቴ።

14 ጎዖንቴ ናንጊና ናንጋ ጎዳ ማዔ ዒንሢኮ የኦዛሢ ዳጎ ሃሺ  
 ዓንጅ ዒንሢም ዒንጋንዳያ ናንዳኔ፤  
 ዒንሢያ ዒማና ናንጊና ናንጋ ጎዳ ማዔ ዒንሢኮ የኦዛሢም  
 ሃኣኮንታ ዑዡ ዒንጊዖንታ ዔኪ ሺኢሻንዳኔ።

15 ጂዮኔ ዲኮይዳ ዛያሢ ዋርቁዋቴ!  
 ዴር የኦሲም ዲማዴ ቡኪንቲሮ ዔኤሉዋቴ!  
 ሙኡዚ ሃሻንዳጉዲያኣ ዴሮም ኬኤዙዋቴ!

16 ዴር ቢያ ፔቴይዳ ቡኩሲ  
 የኦሲም ዲማዴ ቡኪንቲም ጊኢጊሹዋቴ፤  
 ጋርቾ ዓሶ ዔኤሉዋቴ፤  
 ዳኮ ናኣቶንታ ዳንዖ ዳንቃ ዓኣሎ ናኣቶዋ ዓይሱዋዖ  
 ቡኩሱዋቴ፤  
 ዑኡታኣ ዓቲዋዖ ዑኡቲዋም ኬኤፃፓ ኬሰኮንጎ።

17 ናንጊና ናንጋ ጎዳም ማዳ ቁኤሳ  
 የኦሲም ዒንጎ ባኮ ዒንጎ ቤዞና  
 ጌኤዡ ማኣሮይዳ ዓሳ ቡካ ጳኦኮናኮ ባኣካ ዔቁ ዬኤኮንጎ፤  
 ዔያታ፡- «ናንጊና ናንጋ ጎዳሢዮ! ኔኤኮ ዴር ሚጪንቴ፤  
 ሜሌ ዴራ «ዒንሢኮ የኦዛሢ ዋካ ዓኣይ?» ጌይ  
 ኑና ቶኦቻንዳጉዲና ሚኢጪ ዓማላንዳጉዲ ማሃፖ» ጎዖንጎ።

ናንገና ናንጋ ጎዳ ፔ ዴሮ ገንሣ ዶዲሺ ዔቁሳንዳሢ ከኤዘሢ  
18 ናንገና ናንጋ ጎዳ ሳዔላ ዒዛሮ ሌሊ ማዓንዳጉዲ ኮዒ  
ፔ ዴሮም ሚጨንቴኔ፤

19 ዩያሮ ዒዚ ሂዚ ገዔኔ፡-  
«ሃኣኮንታ ዎይኖ ዑዠንታ ሪሚቶ ዛይቶንታ  
ዒንሢ ሚሸካንዳያ ሄላንዳኣና ታ ዒንሢም ዒንጋንዳኔ፤  
ሃካፓ ሴካ ሜሌ ዴራ  
ሚኢጨ ዒንሢ ዓማላንዳጉዲ ታ ሃሻዓኩ።»

20 ዓጮኮ ከዶ ዛላፓ ሙካ ዲቦ ዓቢያ  
ታ ዒንሢ ኮይላፓ ሃከሳንዳኔ፤  
ዓሲ ናንጉዎ ዳውሎ ቦኦሎ ታኣኒ ዳውሲ ዳካንዳኔ፤  
ዩያቶኮ ሶሮፖ ታኣኒ ሶኦጌ ባዚ፤  
ገንፃ ዓቴሢ ሃሃ ታኣኒ ሜዲቴራኒያ ባዘ ዳውሲ ጌልዛንዳኔ፤  
ዒኢካ ዔያቶኮ ሌዛ ዛዓንዳኔ፤  
ጎኔና ታኣኒ፡ ናንገና ናንጋ ጎዳ ዴኤፒ ባኣዚ ዒንሢም ማዴኔ።»

21 «ሳዔሌ ዒጊጨፖ፤  
ናንገና ናንጋ ጎዳ ኔኤም ዴኤፒ ባኣዚ ማዴሢሮ ዎዛዴ!  
ሃሃ ዒላሹ።»

22 ዒንሢ ካዮ ቦዓ ዒጊጨፖቴ፤  
ዒንሢ ሄንቃ ቤዛ ዓኣ ማኣታ ዎርቄኔ፤  
ሚፃኣ ዓኣፔኔ፤  
ቤሌሶንታ ዎይኖ ዓኣፖንታ ኮሺ ሚርጌኔ።»

23 «ዒንሢ ጃዮኔ ዴራ!  
ናንገና ናንጋ ጎዳ ማዔ ዒንሢኮ ጆኦዛሢ ዒንሢም ማዴ ባኮሮ  
ዎዛዴዎቴ፡ ሃሃ ዒላሹዎቴ፤  
ዒዚ ፒዜ ዎጌ ዎጊ  
ዓዳ ቤርታኣ ጎይያ ጆጎጆንታ ባርጎ ዓጊኖንታይዳ  
ጊዳ ዒርዚ ዒንሢም ዎርቄሴኔ።»

24 ዒንሢኮ ሃኣኮ ሸርኮ ቆይዶይዳ ሃኣኮ ኩማንዳኔ፤  
ዎይኖ ዑዠንታ ሪሚቶ ዛይቶንታ  
ዒንሢ ጨኡጳ ዔቶ ኩሚ ሸኦታንዳኔ።»

25 ሚርጌ ዎዴ፡- ዲቢ ያልዚ ዓሲጉዴያ ታ ዒንሢም ዳኩ፡ ዠኢፖ  
ዒርጉዲ ዲኢና ዓቢፃ፡  
ማካሢ፡ ሜልካሢንታ ሻዳ ዓቢፃንታ  
ዒንሢኮ ሙይ ጋፒሴ ሃኣኮ ቤዛ ታ ዒንሢም ዒንጋንዳኔ።»

26 ሚርጌ ሙይ ዒንሢ ሚሸካንዳኔ፤

ሚርጌ ዲቃሢ ሄርሺሳ ባአዚ ዲንሢሞ ማዳ ታና፣ ናንጊና ናንጋ ጎዳ ማዕ ዲንሢኮ ሆአዛሢ ዲንሢ ጋላታንዳኔ፤

- 27 ታ ዴሬዮቲ! ታአኒ ዲንሢ ባአካ ዓአሢ፤ ዲንሢኮ ሆአዛሢያ ታና ሌሊ ማዕሢ፤ ታ ጊዳፓ ዓታዛ ሜሌ ሆአሲ ባአሢያ ዲንሢ ዔራንዳኔ፤ ታአኮ ዴራ ሃካፓ ሴካ ቦርሲንታዓኬ።»

**ናንጊና ናንጋ ጎዳ ኬሎ**

- 28 ናንጊና ናንጋ ጎዳ ሂዚ ጋዓኔ፡- «ዓካሪ ታአኮ ዓያኖ ዓሲ ቢያ ዑሰካ ታአኒ ኬይሳንዳኔ፤ ዲንሢኮ ዓቲንቆንታ ዉዲሮ ናአቶንታ ታ ማለሢ ኬኤዛንዳኔ፤ ጋርቻ ዲንሢኮ ዓውቲ ዓውታዳንዳኔ፤ ዴጌሢያ ታአኒ ፔጋሲ ዳዋ ባአዚ ዛጋንዳኔ።»
- 29 ዩያጉዲ ሃሃ ዩንሢ ኬሎይዳ ታአሞ ማዳ ዓቲንቆንታ ላአሎንታይዳ ታአኮ ዓያኖ ታአኒ ኬይሳንዳኔ።»

- 30 «ጩሪንጮና ሳዖናይዳ ዲቃሢ ሄርሺሳ ባአዚ ታአኒ ዳዋንዳኔ፤ ሱጉሢንታ ታሚንታ ጩቢያ ሻአሬጉዲ ላሂ ጴዳንዳኔ።»

- 31 ዴኤፖ፣ ዒጊቻ፣ ጎዳ ኬላ ሙካንዳሢኮ ቤርታ ዓባ ዲማንዳኔ፤ ዓጊናኣ ሱጉሢጉዲ ዘቃንዳኔ፤

- 32 ናንጊና ናንጋ ጎዳ ማአዳንዳጉዲ ዔኤላሢ ቢያ ዳቃንዳኔ፤ ናንጊና ናንጋ ጎዳ ኬኤዜ ጎይዖ ዪዮኔ ዲኮና

ዩሩሳላሜናይዳፓ ዴኤሻ ጴዳንዳኔ፤ ዳቃ ዓሶ ባአኮይዳ ናንጊና ናንጋ ጎዳ ዶኦሬ ዓሳ ዓአያ ማዓንዳኔ።»

### 3

**ናንጊና ናንጋ ጎዳ ሜሌ ዴሮይዳ ዋጋንዳያ ማዒዖ**

- 1 ናንጊና ናንጋ ጎዳ ሂዚ ጋዓኔ፡- «ዩኖ ዋዶና ዩሩሳላሜና ዩሁዳናፓ ዲዒንቲ ባኮንታ ዓሶንታ ታአኒ ጊንሣ ማሃንዳኔ፤
- 2 ዒማና ሜሌ ዴሮ ቢያ ታአኒ ቡኩሲ

---

2:28 2:28 ዳኪ ማዳ 2:17-21። 2:31 2:31 ማቲ. 24:29፤ ማር. 13:24-25፤ ሉቃ. 21:25፤ ዮሃ. ያፔዳ 6:12-13። 2:32 2:32 ሮሜ 10:13።

ዲዮሳፒያ ደኦሎ ከይሳንዳኔ፤  
 ታኣሮ ማዕ ዲሰራዌኤሌ ዳሮ  
 ዔያቶ ባኣካ ዔያታ ዜርቂ ሳዖዋ ጊሽቲ ዔኮህረ  
 ዲዮሳፒያ ደኦሎይዳ ፑርታ ዋጌ ዔያቶይዳ ዋጋኒ ዲኢካ  
 ሸኢሻንዳኔ።

3 ዲዒ ዔኮ ታኣኮ ዳሮ ጊሽታኒ ዲፃ ዔያታ ዓገኔ፤  
 ዔያታ ዘኦዛ ኮኦማ ለኣሎና ለሃኒ ዓቲንቆ ናኣቶ፤  
 ዋይና ዑዙር ዑሽካኒያ ዉዲሮ ናኣቶ ዓይሌ ማሂ ሻንቹኔ።»

4 «ዒንህ ፃሮሴንታ ሲደናንታ ፒሊሰጻኤማ ዓጮ ዳራ! ዒንህ  
 ማዳ ባካ ዓይጎዳይ? ታና ኮማኒ ዒንህ ማላ? ያዲ ማዕቲ  
 ዒንህ ማዳ ማዳ ኔጉዋዖ ታኣኒ ዒንህዳ ሸርሻንዳኔ። 5 ታኣኮ ቢሮ  
 ዓንጎንታ ዋርቆንታ፤ ዬያጉዲ ሃህ ጴዲዋያ ማዕ፥ ታኣኮ ቆሎ ቢያ  
 ዒንህ ዔኪ ዒንህኮ ካኣሽኮ ማሌ ያኦዘ ማኣሪ ጌልዜኔ። 6 ዪሁዳና  
 ዬሩሳሌማናይዳ ሸይንቲ ዓሶ ዔያቶኮ ዓጫፓ ሃኪሲ ዔኪ ዳንዲ  
 ጊሪኬ ዓሶም ዒንህ ሻንቹኔ። 7 ሃህ ዓካሪ ታኣኒ ዔያታ ሻንቹንቲ  
 ቤዛፓ ዔያቶ ዔቂሲ፥ ዬኖ ዓጫፓ ዔያታ ኬሰካንዳጉዲ ማሃንዳኔ፤  
 ዔያቶይዳ ዒንህ ማዳ ፑርቶ ባኮ ቢያ ዒንህዳ ታኣኒ ሸርሸ ዔኪ  
 ዬዓንዳኔ። 8 ዒንህኮ ዓቲንቆንታ ዉዲሮ ናኣቶንታ ዪሁዳ ዳሮም  
 ሻንቹንታንዳኔ፤ ዬካፓ ዪሁዳ ዓጮ ዓሳ ሃኬይዳ ዓኣ ሳኣባ ዓሶም  
 ዔያቶ ሻንቻንዳኔ፤ ዬያ ጌዔህ ታና፥ ናንጊና ናንጋ ጎዳኬ።»

9 «ዬያ ማሌ ዳሮም ቢያ ዒላቲ ኬኤዙዋቲ፤  
 ያልዚማኣ ጊኢጊንቲዋቲ!  
 ያሎና ዔርቲ ዓሶዋ ዔኤሊ ኬሱዋቲ፤  
 ያሎ ያላ ዓሳ ቢያ ቡኪንቲ ያሎሮ ኬሰኮንጎ።

10 ማራሽ ዒንህኮ ዲይ ጨንቻ ዓራፖ፥ ባኣጮዋ ዲይ ዋርህ  
 ማሁዋቲ፤

ዋልቂ ባኣህታቲያ ታኣኒ ደዲኬ! ፔና ጎዖንጎ፤

11 ዒንህ ቢያ ዛሎና ዓኣ ማሌ ዳራ ቢያ፤  
 ዑካዲ ኬሰኮዋቲ!  
 ደኦሎይዳ ቡኪንቲዋቲ።»

ናንጊና ናንጋ ጎዳሂዮ! ኔኤኮ ያሎ ዓሶ ዳኬ።

12 «ማሌ ዳራ ቢያ ዔቂ ዲዮሳፒያ ደኦሎ ዓኣደንጎ፤

---

3:4 3:4 ዒ.ሲ. 14:29-31፤ 23:1-18፤ ዔ.ር. 47:1-7፤ ሂ.ዘ. 25:15—28:26፤ ዓ.ሞ. 1:6-10፤ ሶፖ. 2:4-7፤ ዛካ. 9:1-7፤ ማቲ. 11:21-22፤ ሉቃ. 10:13-14። 3:10 3:10 ዒ.ሲ. 2:4፤ ሚ.ኪ. 4:3።



ታኣኒ፣ ናንገና ናንጋ ጎዳ ቢያ ዛላ ዓኣ ሜሌ ዳርይዳ  
ፑርታ ዋጌ ዋጋኒ ዲኢካ ታኣኒ ዳዓንዳኔ።

13 ዔያቶኮ ፑርቱማ ዑሣ ዓኣዳ ዲቤኔ፤  
ካፄ ሃኣኮ ባኣቸና ጮኦሪንታሢጉዲ ዔያቶ ጮኦሩዋቱ፤  
ዋይና ሶዮና ዋላ ጩኡጳ ቤዘይዳ ኩሚ ሄርቂንታሢጉዲ  
ዔያቶ ሄርቁዋቱ።»

14 ናንገና ናንጋ ጎዳ ዋጎ ዋጎ ዶኦጮይዳ ዋጋ ኬላ ሄሌኔ፤  
ዬያሮ ኮሺ ሚርጌ ዳሬ ዲኢካ ቡኪንቴ።

15 ዬሮ ኬሎና ዓቦንታ ዓገሎንታ ዲማንዳኔ፤  
ዡኦንሢያ ፖዑዋያ ማዓንዳኔ።

16 ናንገና ናንጋ ጎዳ ጃዮኔ ዲኮይዳ፤ ገንሣ ሃሣ ዬሩሳላሜይዳ ዔቂ  
ፔኤኮ ዓገቻ ዑኡዘ ዋይዚሳንዳኔ፤  
ጫሪንጮንታ ሳዖንታ ዓገፃንዳኔ፤  
ዒዚ ፔ ዳሮ ዒሰራዔኤሌኮ  
ካናዶ ዋርዲዮ ማዓንዳኔ።

**ጾኦሲ ፔ ዳሮ ዓንጃሣ**

17 «ዒሰራዔኤሌ ዓሲዮቱ! ዒማና ታኣኒ፣ ናንገና ናንጋ ጎዳሣ  
ዒንሣኮ ጾኦዛሣታሣ ዒንሣ ዔራንዳኔ፤  
ታኣሞ ዳማዳ ጃዮኔ ዲኮይዳ ታኣኒ ናንጋንዳኔ፤  
ዬሩሳላሜያ ታኣሞ ዳማዳ ካታማ ማዓንዳኔ፤  
ሃካፓ ሴካ ሜሌ ዓጮ ፖኦሊሳ ዖሊ ዒዘ ዓርቃዓኬ።»

18 «ዬሮ ዋዶና ዲኮይዳ ቢያ ዋይኔ ባቃሊ ኩማንዳኔ፤  
ጌሜሮ ዑዖይዳኣ ሚርጌ ማኣፃ ባይ ሄንቃንዳኔ፤  
ዪሁዳ ዓጮ ዋራ ቢያ ዋኣሣ ዓኣያ ማዓንዳኔ፤  
ናንገና ናንጋ ጎዳኮ ጌኤዡ ማኣሮይዳፓ ዋኣሣ ዓልቃንዳኔ፤  
ሺዲሜ ዶኦጮዋ ዬይ ዋኣፃ ዑሻንዳኔ።»

19 «ጊብፃና ዔዶኦሚ ዓጮ ዓሶና ዪሁዳ ዳሮ ዑፃ  
ጌኔ ማዶ ማዳሣሮ፣ ጂሎ ዳሮዋ ዋዳሣሮ  
ጊብፃ ዓሲ ናንጉዋ ዓጪ ማዓንዳኔ፤  
ዔዶኦሚያ ዓሲ ናንጉዋ ዳውሌ ማዓንዳኔ።»

20-21 ዬያሮ ሃይማ ሂላንዳኣና ኮሞ ኮፁዋፆ ታኣኒ ሃሽ  
ጌኤዡ ዓሶ ሱጉዖ ዛሎ ኮሞ ታኣኒ ኮፃንዳኔ፤  
ጋዓንቴ ዬሩሳላሜንታ ዪሁዳንታ ታኣኮ ዳራ ናኣናና ናንጋ ቤሲ  
ማዓንዳኔ፤

ታኣኒ፡ ናንገና ናንጋ ጎዳሢ ጸዮኔ ዲኮይዳ ናንጋንዳኔ።»

**ጌሌዥ ማግኔግ**  
**The Holy Bible in the Maale language of Ethiopia,**  
**using Ethiopic script**

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

**ጌሌዥ ማግኔግ**

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-04-13

---

PDF generated using Haiola and XeLaTeX on 21 Feb 2024 from source files dated 14 Apr 2023

bbcfb90a-3ae3-5452-983d-6c4c02375929